



欽定古今圖書集成

方輿彙編職方典

欽定古今圖書集成方輿彙編職方典

第四百九十一卷目錄

西安府部彙考一

西安府建置沿革考

職方典第四百九十一卷

西安府部彙考一

西安府建置沿革考

通志州縣志合載

本府

周王畿地秦為內史漢初更為渭南郡尋罷復為內史景帝置為右內史後改京兆尹東漢因之魏改尹為守改為秦國後復為京兆國晉為京兆郡兼置雍州後魏亦然後周復為京兆尹隋初置雍州尋改為京兆郡唐初復為雍州改

京兆郡尋復雍州開元初改爲京兆府自周秦漢晉西魏後周隋唐並都于此梁改永平軍後唐復爲京兆府晉改曰晉昌漢改曰永興宋仍京兆府屬永興軍路金屬京兆府路元改西安路後又改奉元路明洪武初改爲西安府領州五縣二十六至景泰三年增置縣一成化十三年增置州一縣三萬曆十一年增置縣一始領州六縣三十一

皇清因之增領潼關衛

長安縣 附郭

周鎬京地秦爲杜縣漢高帝始置長安縣屬京兆尹王莽改曰常安東漢復爲長安屬京兆尹三國魏晉皆因之屬京兆郡姚萇僭據復改長安曰常安南北朝後魏復爲長安隋開皇三年始徙縣治于此唐因之屬京兆府五代梁改爲大安縣後唐復爲長安縣宋金皆因之屬京兆府元屬奉元路明爲西安府附郭
皇清因之編戶四十九里

咸寧縣

附郭

秦襄公置芷陽縣始皇屬內史漢文帝改爲霸陵縣七年置南陵縣宣帝時置杜陵縣俱屬京兆尹東漢因之晉爲杜陵霸城二縣屬京兆郡南北朝後魏爲杜城西霸城二縣西魏置山北縣後周並廢于長安城別置萬年縣取漢萬年舊縣爲名隋開皇三年改爲大興縣唐武德元年復爲萬年縣天寶七載始改萬年縣爲咸寧縣尋復舊五代梁改爲大年縣後唐復爲萬年

縣宋宣和七年改爲樊川縣金復爲咸寧縣俱屬京兆府元屬奉元路明爲西安府附郭
皇清因之編戶六十六里

咸陽縣

秦舊縣孝公自汧隴徙都焉其地在九嵎山南渭水北山水俱陽故名咸陽漢高帝元年更名新城七年罷入長安元鼎三年更曰渭城縣屬右扶風東漢省入長安晉石勒置石安縣屬京兆郡宋金皆因之元省入興平縣尋復置明爲

咸陽縣隸西安府

皇清因之編戶十里

興平縣

周犬丘地秦名廢丘漢高帝三年置槐里縣武帝析置茂陵縣昭帝析置平陵縣屬右扶風東漢因之三國魏改平陵為始平縣晉置始平郡領槐里始平武功鄠蒯城五縣南北朝後魏省始平郡以縣屬右扶風隋屬京兆郡唐景龍二年改為金城縣至德初置興平軍二載改為興

平縣宋金皆因之屬京兆府元屬奉元路明因之屬西安府

皇清因之編戶十五里

臨潼縣

周驪戎國秦滅驪戎驪邑漢高帝七年置新豐縣屬京兆尹又葬太上皇櫟陽北原起萬年陵置萬年縣屬左馮翊東漢因之晉屬京兆郡南北朝後魏徙陰盤于今縣東三十里冷水西戲水東司馬村故城其新豐自陰盤寄治後又徙

治于故城東三十里零水側後周時于長安城中別置萬年縣而北萬年縣遂廢唐垂拱二年改慶山縣天授二年于縣界冷水口置鴻州析慶山渭南二縣置鴻門縣隸焉尋州廢縣亦省神龍元年復改慶山為新豐縣天寶三載析新豐萬年于溫泉宮置會昌縣七載更名昭應省新豐縣入焉屬京兆府宋大中祥符八年改為臨潼縣以水為名屬京兆府金因之元因之至正初併櫟陽縣入焉屬奉元路明仍為臨潼縣

隸西安府

皇清因之編戶四十里

高陵縣

周赧王時秦孝公置左輔都尉于此漢為高陵縣隸左馮翊景帝初起陽陵于縣西南改曰陽陵王莽更為千春東漢左馮翊自長安出治高陵魏更曰高陸屬京兆郡其縣治在今縣西南晉因之隸京兆郡南北朝後周明帝元年析萬年縣入高陸隋大業二年復為高陵屬京兆郡

唐武德元年置鹿苑縣貞觀元年省天授二年置鴻州以高陵及渭南慶山櫟陽隸之大中元年州廢仍隸雍州宋仍爲高陵屬永興軍金因之屬京兆府元因之屬奉元路明仍爲高陵縣隸西安府

皇清因之編戶十五里

鄠縣

夏有扈國尚書啓與有扈大戰于甘卽此殷爲崇國周文王伐崇作邑于豐秦改爲鄠有甘亭

漢始置鄠縣屬右扶風東漢因之晉仍爲鄠縣屬始平郡後魏隋俱因之屬京兆郡大業二年徙今治唐宋金俱因之屬京兆府元因之屬奉元路明仍爲鄠縣隸西安府

皇清因之編戶二十二里

藍田縣

秦孝公置惠王命太子向爲藍田君始皇置內史周禮曰玉之次美者曰藍其山出玉故名漢因之屬京兆郡南北朝後魏太平眞君七年省

太和十一年復置屬京兆郡南齊亦曰藍田屬
華山郡後周閔帝二年析置玉山白鹿二縣屬
藍田郡建德二年省郡以玉山白鹿併入藍田
屬京兆隋因之唐亦名藍田武德二年析置白
鹿縣三年更曰寧民又析藍田置玉山縣貞觀
三年皆省入藍田仍屬京兆府宋金皆因之屬
京兆府元因之屬奉元路明仍爲藍田縣隸西
安府

皇清因之編戶二十里

涇陽縣

秦涇陽縣以居涇水北故名史記秦昭王弟封
涇陽君卽此漢惠帝于雍州北置池陽縣屬左
馮翊東漢魏皆因之晉因之屬扶風郡苻堅于
此置涇陽縣卽今縣南北朝後魏徙置咸陽郡
隋罷咸陽郡開皇三年徙縣治于此隸京兆郡
唐因之隸鼎州尋復隸雍州宋金皆因之屬京
兆府元省入高陵縣尋復置後以雲陽併入明
因之隸西安府

皇清因之編戶四十四里

三原縣

上古黃帝鑄鼎之地周爲焦穫地詩曰整居焦穫秦爲湯杜始皇屬北地郡漢爲池陽縣屬京兆郡應劭曰在池水南故名東漢因之屬左馮翊晉復爲池陽縣屬扶風郡苻堅于嶽嶷山北置三原護軍以地有東中西三原故名南北朝後魏罷護軍置三原縣屬北地郡孝明詔析爲建忠郡以旌毛氏兄弟捍賊之功後周郡廢仍

爲三原縣屬馮翊郡今縣治東北三十里故城是也隋因之隸京兆郡唐初徙清水谷南復爲池陽縣又徙故所改爲華池縣仍置三原縣隸北泉州貞觀初廢三原縣改華池爲三原屬京兆府五代唐屬耀州宋金俱因之屬京兆府元至元二十四年徙縣於龍橋鎮屬耀州明仍爲三原縣初屬耀州弘治三年以民巨海奏隸西安府

皇清因之編戶三十里

盩厔縣

漢武帝置屬右扶風山曲曰盩水曲曰厔縣在山水之曲故名東漢省晉復置南北朝後魏太平真君七年併入武功縣後周天和二年徙縣於鄠西北於此置周南郡及恒州隋郡廢以縣屬京兆郡唐武德三年析置終南縣貞觀八年省天寶元年更名宜壽至德二載復爲盩厔天福初屬鳳翔府五代晉因之宋因之又置清平軍金貞祐四年隸京兆府陞爲恒州以郿縣隸

焉仍屬鳳翔府元省州以縣屬安西路明仍爲盩厔縣隸西安府

皇清因之編戶三十九里

渭南縣

秦內史地漢初爲下邽蓮勺二縣地又爲渭南縣領新豐鄭下邽三縣後郡罷復爲內史武帝分左右內史以下邽屬右蓮勺屬左東漢析置蓮勺屬左馮翊晉爲下邽蓮勺地屬馮翊郡苻堅置渭南縣屬京兆郡南北朝後魏析置南新

豐縣仍屬渭南郡西魏改南新豐爲渭南縣後周並廢入渭南屬京兆郡隋渭南縣屬京兆郡唐爲渭南爲下邽武德初隸華州五年復隸雍州天授二年於零口鎮置鴻州以渭南縣屬焉大中元年廢鴻州入渭南隸雍州五代周改渭南縣屬華州宋爲下邽爲渭南熙寧六年省渭南爲鎮入鄭元豐初復爲縣隸華州華陰郡金因之元爲渭南屬奉元路華州明仍爲渭南縣隸西安府

皇清因之編戶五十六里

富平縣

周秦厲公置頻陽縣漢爲懷德頻陽二縣屬左馮翊東漢省懷德縣併入頻陽屬左馮翊晉因之苻堅時於此置土門護軍南北朝後魏太平眞君七年罷護軍地入同官縣後周置中華郡尋罷隋始置富平縣用北地郡富平縣名屬京兆郡唐因之又以故土門地置美原縣屬京兆府五代梁屬耀州宋爲富平美原二縣屬耀州

金省富平入美原縣元爲富平縣至元初併美原入焉屬奉元路耀州明仍爲富平縣隸西安府

皇清因之編戶四十里

醴泉縣

漢爲左馮翊谷口縣地在九嵎山西當涇水出山之處故謂之谷口東漢魏晉俱爲池陽縣南北朝後魏武帝於谷口置溫秀寧彞二護軍因改池陽縣爲寧彞隸咸陽郡西魏置寧彞郡後

周置爲秦郡後廢又以新時甘泉入焉隋開皇十八年更名醴泉縣因後周醴泉宮爲名唐武德元年析置溫秀縣後省醴泉貞觀十年營昭陵析雲陽咸陽二縣復置醴泉隸雍州乾寧二年置乾州領醴泉屬京兆府宋屬醴州金元俱因之屬乾州明初屬乾州嘉靖二十八年改隸西安府

皇清因之編戶十八里

商州

禹貢梁州之域商祖契封於此遂爲有天下之號商山名在州東南一百里山形如商字故名周爲豫州之境春秋時屬晉後屬秦爲商鞅食邑漢於此置上洛縣屬渭南郡東漢因之屬京兆尹晉爲涇陽南郡復置上洛郡南北朝後魏置洛州後周改爲商縣唐初復爲商州天寶初置上洛郡領縣六曰上洛豐陽乾元洛南商洛上津乾元初復爲商州屬關內道宋屬永興軍路高宗時秦檜力主和割商與金金屬京兆府

元復爲商州屬安西路明洪武初改商縣成化十三年復爲商州領縣四

皇清因之編戶十六里

鎮安縣

周秦漢俱爲商地隋爲豐陽縣地唐析置安業縣景龍三年隸雍州景雲初屬商州乾元初更名乾元縣屬京兆府尋復屬商州五代漢改爲乾祐屬京兆府宋金皆因之元廢改爲乾祐巡檢司明仍立乾祐巡檢司屬咸寧縣景泰三年

置鎮安縣隸西安府商州

皇清因之編戶二里

雒南縣

周春秋時晉上洛地漢置爲上雒縣屬弘農郡東漢因之屬京兆尹晉析置拒陽縣尋省南北朝後魏復置隋初屬商州尋改爲洛南縣以其在洛水之南故名唐宋皆因之屬商州上洛郡金初隸陝州尋屬京兆府後改隸河南路元因之明洪武七年改商州爲縣仍析置洛南縣隸

西安府華州成化丙申州復縣又屬焉泰昌元年以光宗諱洛改爲雒南縣

皇清因之編戶十二里

山陽縣

禹貢雍荆之地周春秋戰國時皆屬秦漢置豐陽縣屬商州晉苻健都長安以荊州刺史鎮豐陽苻菁掠上洛於豐陽縣立荊州苻堅移洛州居豐陽皆此地東晉大元九年秦洛州刺史張五虎據豐陽來降南北朝後周置豐陽縣以在

豐水之陽故名隋因之屬上洛郡唐因之屬商州上洛郡宋因之金貞元二年省爲上洛縣鎮明以豐陽故址立豐陽巡檢司成化十三年尚書原傑改立商州徙巡檢司於漫川於此置山陽縣以在山之南故名隸西安府

皇清因之編戶二里

商南縣

禹貢梁州之域爲商於襟喉之地漢爲商縣地屬弘農郡東漢屬京兆尹明成化十三年改商

縣爲州仍析其東扶川北佛等里置商南縣屬西安府商州

皇清因之編戶一里

同州

周爲大荔國秦爲內史地漢初置河上郡後爲左內史武帝時改左馮翊三國魏爲馮翊郡南北朝後魏兼置西華州西魏改爲同州取禹貢澧水攸同之義隋罷州復爲馮翊郡唐復爲同州治馮翊縣天寶初復爲馮翊郡乾元初復爲

同州後改匡國軍五代梁改忠武軍後唐復為匡國軍宋改定國軍屬永興路金屬京兆府元仍為同州以馮翊縣省入明因之領縣五

皇清因之編戶三十四里

朝邑縣

禹貢冀州之地殷時為芮國有大荔戎周春秋時為蒲關秦厲公伐大荔取王城築高壘以臨晉國名臨晉戰國時魏文侯重城於此亦曰臨晉秦始皇為內史地漢為臨晉縣屬左馮翊東

漢晉俱因之南北朝後魏分置五泉縣屬澄城郡西魏改為朝邑以據朝坂故名隋因之屬馮翊郡唐武德三年析置河濱縣貞觀二年省乾元三年改曰河西隸河中府大曆三年復曰朝邑隸同州五代宋金元俱因之明仍為朝邑縣隸西安府同州

皇清因之編戶三十六里

郃陽縣

商為有莘國伊尹耕於有莘之野即此周春秋

時屬晉戰國時屬魏少梁秦惠文王十一年更名夏陽始皇爲內史地漢始置郃陽縣以在郃水之陽故名詩大雅謂在洽之陽卽此屬左馮翊東漢三國魏晉俱因之南北朝後周屬澄城郡隋屬馮翊郡唐屬西韓州貞觀間屬同州五代梁屬河中府唐復舊宋復屬同州以夏陽縣省入金屬棹州後復屬同州元初屬棹州後仍舊明仍爲郃陽縣隸西安府同州

皇清因之編戶四十四里

澄城縣

周春秋時晉北徵地後屬秦漢始置徵縣屬左馮翊左傳云取北徵謂此東漢更名重泉仍屬左馮翊晉因之南北朝後魏置澄徵音相近故名後周併五泉縣入焉隋初郡罷以縣屬馮翊郡唐初析置長寧縣後省長慶中割入奉先縣五代梁屬河中府後唐復屬同州宋金元皆因之明仍爲澄城縣隸西安府同州

皇清因之編戶四十里

白水縣

周春秋時爲彭衙縣地秦晉戰于彭衙卽此秦置白水縣以南臨白水故名漢爲粟邑又爲衙縣地屬左馮翊東漢復爲衙縣屬左馮翊晉省衙縣南北朝後魏廢粟邑縣後析置白水縣及白水郡隋初郡罷以縣屬馮翊郡唐割入奉先縣宋復置屬同州金元俱因之明仍爲白水縣隸西安府同州

皇清因之編戶二十里

韓城縣

周爲封國春秋韓梁二國地晉爲少梁邑秦更名曰夏陽縣漢因之屬左馮翊東漢晉俱因之屬馮翊郡南北朝後魏因之屬華山郡隋開皇十八年始析置韓城縣以古韓城爲名仍屬馮翊郡唐初置西韓州貞觀間州廢以縣屬同州五代梁屬河中府後唐復舊宋因之金改爲楨州元初州廢復爲韓城縣屬同州明仍爲韓城縣隸西安府同州

皇清因之編戶三十三里

華州

周為畿內地鄭桓公始封之邑一名咸林春秋時為晉地戰國時為秦魏二國之境秦為內史地始皇始立為鄭縣漢因之屬京兆郡東漢為京兆弘農二郡地晉因之南北朝後魏置華山郡又改東雍州西魏改為華州隋省復置華山郡唐復為華州垂拱初改太州天寶初改華陰郡後復為華州乾寧中陞為興德府領縣四曰

鄭華陰下邽櫟陽又為鎮國軍節度使屬關內道五代梁改為威化軍後唐復為鎮國軍宋天禧四年以同州蒲城來屬皇祐五年改為華州華陰郡領縣五曰鄭下邽蒲城華陰渭南金改金安軍屬京兆路元復為華州後以鄭縣省入屬奉元路領縣三曰華陰渭南蒲城明仍為華州隸西安府領縣三後改領縣二皇清因之編戶四十一里

華陰縣

禹貢導河至于華山之陰卽此周戰國時爲魏陰晉地秦惠文王更名寧秦秦因之漢高帝八年更名華陰縣以在華山之陰故名屬京兆尹東漢屬同州弘農郡晉因之隋因之屬京兆郡唐垂拱元年更名仙掌縣天授初析置潼津縣神龍初復曰華陰上元二年曰太陰寶應元年復故名屬華州宋因之金因之屬金安軍元因之復屬華州明仍爲華陰縣隸西安府華州皇清因之編戶二十七里

蒲城縣

周宣王時爲賈國秦爲重泉縣史記秦簡公城重泉卽此漢因之屬左馮翊東漢復爲重泉屬左馮翊南北朝後魏省屬京兆尹又于此置南白水縣西魏改爲蒲城以縣東有蒲池故名屬同州隋因之屬馮翊郡唐開元四年以縣之豐山建睿宗橋陵改爲奉先縣隸京兆府十七年陞爲赤縣天祐二年復屬同州五代周屬京兆府宋開寶四年仍曰蒲城天禧四年隸華州金

元皆因之明仍爲蒲城縣隸西安府華州
皇清因之編戶五十四里

耀州

秦爲內史地漢爲祓祔縣屬左內史武帝屬左
馮翊後廢東漢復置魏文帝自寧州彭原縣界
徙北地郡於此其縣遂廢晉爲泥陽縣屬北地
郡南北朝後魏初於泥陽置北雍州西魏改爲
宜州又置北地郡尋改爲通川郡領宜陽縣隋
開皇三年郡廢以縣屬宜州六年改宜陽爲華

原縣大業三年州廢縣屬京兆郡又於縣置宜
君郡唐武德元年罷郡立宜州貞觀中以華原
同官二縣屬雍州垂拱二年改爲永安縣天授
二年又以永安諸縣置宜州大定初州廢神龍
初復爲華原隸雍州天祐三年李茂貞僭行墨
制以華原置耀州建義勝軍節度五代梁改曰
崇州又改靜勝軍唐復爲耀州名順義軍析雍
州之富平三原雲陽同州之同官美原五縣屬
焉宋初爲感義軍改感德軍元祐三年復置耀

州金爲耀州屬西安府元因之至元間以華原縣省入領縣三日富平三原同官明仍爲耀州隸西安府領縣一

皇清因之編戶六里

同官縣

漢爲祓祔縣地屬左馮翊晉爲潁陽縣地屬馮翊郡苻堅於祓祔城東北銅官川置銅官護軍南北朝後魏太平眞君七年罷護軍置銅官縣屬北地郡莊帝永安元年屬宜君郡後周武帝

建德四年自銅官故縣徙於今治改曰同官縣屬宜州隋唐俱因之屬京兆郡五代梁開平二年自京兆府析隸同州同光元年隸耀州宋因之屬華原郡金元俱因之屬耀州明仍爲同官縣隸西安府耀州

皇清因之編戶六里

乾州

秦爲內史地漢爲左馮翊之池陽縣地東漢因之晉屬扶風郡南北朝後魏爲寧彞縣屬咸陽

郡隋改寧彝曰醴泉隸京兆郡唐文明元年析醴泉始平好畤武功邠州五縣之地置奉天縣屬京兆郡乾寧二年改置乾州以地在長安之西北隅故名五代梁爲威勝軍後唐罷軍名後爲乾州屬鳳翔府宋屬永興路熙寧五年州廢政和七年更名醴州改屬環慶路金復爲乾州屬京兆府路元屬奉元路明因之隸西安府領縣二

皇清因之編戶二十四里

武功縣

唐虞爲郃國后稷所封周秦孝公時始置武功縣山水爲名漢屬右扶風晉屬始平郡南北朝後魏太和十年改爲美陽又置武功郡後周武成二年以武功郡屬雍州建德三年省唐武德三年分武功置稷州因后稷所封故名後廢以武功隸雍州天授二年復爲稷州後廢以縣隸京兆府五代後唐同光中隸鳳翔長興初還屬京兆宋屬醴州金改爲武亭縣元復爲武功縣

屬乾州明仍爲武功縣隸西安府乾州

皇清因之編戶十三里

永壽縣

周爲豳國地漢爲漆縣屬左扶風以漆水在西故名又爲右扶風治所東漢復爲漆縣屬右扶風晉因之屬新平郡南北朝後魏置廣壽縣後周改永壽縣隋省入新平縣唐武德二年析新平置永壽縣神龍初屬京兆景龍初屬邠州宋乾德二年以縣屬醴州熙寧五年屬邠州正和

八年復屬醴州金屬邠州元至正四年又以好時併入屬乾州明仍爲永壽縣隸西安府乾州皇清因之編戶五里

邠州

虞夏爲西戎地公劉立國於邠爲豳國周春秋戰國時皆屬秦秦屬內史漢爲右扶風安定北地三郡地東漢置新平郡領漆縣魏因之南北朝後魏置南豳州尋廢北豳州遂去南字西魏改爲寧州隋大業初復爲豳州煬帝初廢州以

其地爲北地郡義寧二年析北地郡之新平三水置豳州唐復置豳州開元十三年改爲邠州天寶三載復爲新平郡乾元元年復爲邠州陞靖難軍節度屬關內道宋復爲邠州屬永興軍路金屬慶原路元屬莊浪路改屬鳳翔府明仍爲邠州省新平宜祿二縣隸西安府領縣三

皇清因之編戶九里

三水縣

周豳之故地有舊城址存焉漢爲三水縣屬安

定郡以縣羅川谷三泉並流故名東漢復爲三水縣屬安定郡南北朝後魏爲三水縣屬新平郡西魏置恒州尋廢隋復爲三水縣屬北地郡唐因之屬邠州新平郡宋金俱因之元至正七年併入淳化縣屬鳳翔府邠州明成化中都御史余子俊馬文升奏復爲三水縣隸西安府邠州

皇清因之編戶八里

淳化縣

上古黃帝時立雍時建萬靈明庭卽故甘泉縣
黃帝以來祭天園丘處是也秦始皇作甘泉宮
二世作林光宮漢雲陽縣地昭帝追尊皇太后
改爲雲陵以其地爲雲陵縣東漢省縣罷雲陽
置撫彝護軍南北朝後魏太平眞君七年罷護
軍別置雲陽縣屬北地郡後周置雲陽郡隋開
皇初郡廢唐武德元年析雲陽置石門縣貞觀
元年更名石門曰雲陽雲陽曰池陽八年省雲
陽更池陽曰雲陽隸京兆府五代唐同光三年

析隸耀州宋淳化三年始析縣之金龜等六鄉
置爲淳化縣屬耀州宣和元年分屬邠州金元
皆因之至正七年以三水縣省入明因之隸西
安府邠州

皇清因之編戶六里

長武縣

古豳地漢鶉觚城唐宜祿縣宋元因之明省入
邠州改長祿鎮萬曆十一年復置長武縣屬邠
州

皇清因之編戶三里

潼關衛

周為畿內地春秋屬晉曰桃林寨秦立函谷關
潼關以東皆函谷地漢隸華陰後周為潼谷關
隋隸京兆府唐始立潼關宋為鎮潼軍節度地
金復為潼關元因之明初設潼關守禦千戶所
隸陝西都司改設潼關衛隸河南都司後改隸
中軍都督府

皇清初因之改隸西安府

西安原設五衛後併四衛右衛護秦藩每衛五
所

皇清初復置五衛順治十六年裁各衛所併入州縣

欽定古今圖書集成方輿彙編職方典

第四百九十二卷目錄

西安府部彙考二

西安府疆域考

有圖

形勝附

西安府星野考

職方典第四百九十二卷

西安府部彙考二

西安府疆域圖

古今圖書集成 方輿彙編職方典第四百九十二卷西安府部彙考二西安府疆域

慶陽府界



延安府界



古今圖書集成 圖之一

西安府

延安府界



北圖

慶陽府界

平涼府界

鳳翔府界



西安府南圖



界南河

湖廣界

興安州界

界府翔鳳

界府中漢



西安府疆域考

通志州縣志合載

本府

東至河南閩鄉縣界

西至扶風縣界

南六百八十里至興安州界

北至延安宜君縣界

東南至湖廣鄖陽縣界

東北至宜川縣界

西南至漢中洋縣界

西北至涇州界

東西廣一千五百里南北袤六百里

長安縣

長安附邑也東一里至咸寧縣界

南六百八十里至興安州界

西至 無考

北三十里至涇陽縣界

東南至 無考

東北至 無考

西南七十里至鄠縣界

西北三十里至咸陽縣界

咸寧縣 高陵縣界

咸寧亦附邑也東四十五里至臨潼縣界

西至長安縣界

南三百里至鎮安縣界

北三十五里至涇陽縣界

東南五十里至藍田縣界

東北三十五里至高陵縣界

咸陽縣

府西北五十里為咸陽東至咸寧縣界

西至興平縣界

南至鄠縣界

北至涇陽縣界

東南五十里至長安縣界

東北至高陵縣界

西南至盩厔縣界

西北至醴泉縣界

東西廣五十六里南北袤五十里

興平縣

府西一百里為興平東至咸陽縣界

西至武功縣界

南七十里至盩厔縣界

北四十里至醴泉縣界

東南五十里至鄠縣界

東北九十里至涇陽縣界

西南一百四十里至郿縣界

西北九十里至乾州界

東西廣六十里南北袤八十里

臨潼縣

府東六十里為臨潼東四十里至渭南縣界

西十五里至咸寧縣界

南三十五里至藍田縣界

北八十里至富平縣界

東北至蒲城縣界

西北至高陵縣三原縣界

東西廣一百二十里南北袤六十里

高陵縣

府北七十里為高陵東至渭南縣界

西至涇陽縣界

南至省城

北至富平縣界

東南至臨潼縣界

東北至蒲城縣界

西南至咸陽縣界

西北至三原縣界

東西廣三十五里南北袤二十八里

鄠縣

府西南七十里為鄠縣東三十里至長安縣界

西十里至盩厔縣界

南二十里至終南山

北二十五里至咸陽縣界

東南一百里至長安縣界

東北三十里至長安縣界

西南一百里至長安縣界

西北二十里至興平縣界

藍田縣

府東南九十里為藍田東五十里至渭南縣界

西五十里至萬年縣界一路五十里至長安縣

界

南七十里至秦嶺商於界

北五十里至驪山麓潼水界

西南二百里至鎮安山陽二縣界

涇陽縣

府北七十里為涇陽東二十五里至高陵縣界

西五十五里至醴泉縣界

南至省城

北五十里至淳化縣界

東南至咸寧縣界

東北一十五里至三原縣界

西南至咸陽縣界

西北至淳化縣界

東西廣五十里南北袤八十里

三原縣

府北九十里為三原東四十里至臨潼縣界二

百五十里至同州

西八里至涇陽縣界一百六十里至乾州

南八里至涇陽縣界九十里至長安縣界

北四十五里至耀州界九十里至耀州

東北六十里至富平縣

西南三十里至涇陽縣

西北九十里至淳化縣

蓋屋縣

府西南一百六十里爲蓋屋東六十五里至鄠縣界

西四十里至郿縣界

南四百里至洋縣界

北五里至渭中分爲武功縣界

東北四十里至興平縣界

西北三十里至扶風縣界

渭南縣

府東一百四十里爲渭南東二十里至華州界五十里至華州

西四十里至臨潼縣界八十里至臨潼縣

南一百四十里至商州界三百里至商州

北七十里至蒲城縣界一百里至蒲城縣

東南一百五十里至雒南縣界二百五十里至

雒南縣

東北六十里至同州界一百里至同州

西南五十里至藍田縣界一百里至藍田縣

西北六十里至富平縣界一百里至富平縣又

一路四十里至高陵縣界九十里至高陵縣

東西廣二百一十里南北袤六十里

富平縣

府東北一百二十里為富平東至 無考

西至 無考

南至高陵縣界

北至 無考

東南至渭南縣界

西南至三原縣界

醴泉縣

府西北一百二十里為醴泉東九十里至涇陽

縣界

西四十里至乾州界

南四十里至興平縣界

北一百一十里至淳化縣界

東南七十里至咸陽縣界

東北一百一十里至三原縣界

西南九十里至武功縣界

西北一百一十里至永壽縣界

東西廣六十二里南北袤一百零二里

商州

府東南三百六十里為商州東一百九十里至

商南縣界

西一百二十里至藍田縣界

南九十里至山陽縣界

北七十里至雒南縣界

東北至河南閩鄉盧氏二縣界

西南二百里至藍田咸寧二縣界

西北二百里至華陰縣界

東西廣四百七十里南北袤六百一十里

鎮安縣

按以下四縣俱隸商州

州南五十里為鎮安東至

西至

南至

北至 以上俱無考

雒南縣

州北七十里為雒南東二百里至河南靈寶縣界

西一百里至商州界

南二百里至商南縣界

北二百里至華州二百里至華陰縣

東南二百里至河南盧氏縣界

東北二百里至河南閿鄉縣界

西北二百里至渭南縣二百里至藍田縣

東西廣二百七十里南北袤二百六十里

山陽縣

州東南一百一十里為山陽東至

西至

南至

北至 以上俱無考

商南縣

州北八十里為商南東至

西至

南至

北至 以上俱無考

同州

府東北二百八十里為同州東至朝邑縣界

西至蒲城縣界

南至華州界

北至澄城縣界

東南至華陰縣界

東北至郃陽縣界

西南至渭南縣界

西北至白水縣界

東西廣七十里南北袤四十里

朝邑縣 按以下五縣俱隸同州

州東三十里為朝邑東至 無考

西二十里至同州界

南四十里至華陰縣界

北至郃陽縣界

東南至潼關

西南五十里至華州界

西北五十里至澄城縣界

東西廣一百里南北袤五十里

郃陽縣

州東北二百一十里為郃陽東至山西臨晉縣

界北平山水界

西至澄城縣界

南至朝邑縣界

北至宜川縣界

東南至山西蒲州界

東北至韓城縣界

西南至同州界

西北至洛川縣界

東西廣一百二十里南北袤六十里

澄城縣

州北一百里為澄城東至郃陽縣界

西至白水縣界

南至同州界

北至洛川縣界

東南至朝邑縣界

東北至韓城縣界

西南至蒲城縣界

西北至宜君縣界

東西廣一百五十里南北袤五十里

白水縣

州西北一百二十里為白水東七十里至澄城

縣

西一百二十里至同官縣

南五十里至蒲城縣

北一百六十里至中部縣

東南一百二十里至同州

東北一百八十里至洛川縣

西南二百九十里至省城

西北一百里至宜君縣

東西廣五十里南北袤三十里

韓城縣

州東北二百二十里為韓城東十里至黃河
西一百三十里至洛川縣界安定里阿石崖
南三十七里至郃陽縣界大棗里大棗村
北一百二十里至宜川縣界河清里店頭集
東西廣一百五十七里南北袤一百四十里

華州

府東二百里為華州東四十里至華陰縣界臺
頭鎮七十里至華陰縣一百一十里至潼關

西三十里至渭南縣界赤水鎮五十里至渭南
縣

南八十里至雒南縣秦嶺界一百九十里至雒
南縣

北十五里至渭河五十里至蒲城縣界一百里
至蒲城縣

東南三百里至河南盧氏縣界

東北至潼關

西南一百八十里至藍田縣

西北一百三十里至富平縣

東西廣一百三十里南北袤五十里

華陰縣

按以下二縣俱隸華州

州東七十里為華陰東四十里至河南閩鄉縣界

西四十里至華州界

南十里至華山麓二百七十里至省城

北十五里至渭河朝邑縣界

東北三十里至渭北

西南八十里至秦嶺界

蒲城縣

州西北一百二十里為蒲城東五十里至澄城縣界

西四十五里至富平縣界

南四十里至渭南縣界

北四十五里至白水縣界

東南四十里至同州界

東北七十里至澄城縣界

西南七十里至臨潼縣界
西北九十里至同官縣界

耀州

府北一百八十里為耀州東五里至富平縣界
西四十里至淳化縣界

南三里至富平縣界

北十里至同官縣界

東南三里至富平縣界

東北十里至同官縣界

西南三十里至三原縣界

西北八十里至三水縣界

同官縣

按同官縣隸耀州

州北七十五里為同官東一百二十里至白水

縣

西一百八十里至淳化縣

南七十里至州界

北九十里至宜君縣界

東南一百一十里至蒲城縣

東北二百五十里至洛川縣

西南二百里至涇陽縣

西北二百一十里至寧州二百四十里至省城

東西廣一百二十里南北袤一百里

乾州

府西北一百六十里為乾州東三十五里至醴

泉縣界

西六十里至扶風縣界

南至無考

北五十里至永壽縣界

東南六十里至興平縣界

西南五十里至武功縣界

西北六十里至麟遊縣界

武功縣按以下二縣俱隸乾州

州西南六十里為武功東至興平縣界

西五十里至扶風縣

南四十里至盩厔縣界

北三十里至乾州界

東南至鄂縣界

東北九十里至醴泉縣界

西南七十里至郿縣

西北一百二十里至麟遊縣

東西廣五十里南北袤四十五里

永壽縣

州北九十里為永壽東七十里至醴泉縣界

西三十里至麟遊縣

南五十里至乾州界

北四十里至邠州界

東南五十里至醴泉縣界二百五十里至省城

西南八十里至扶風縣界

西北五十里至邠州界

邠州

府西北三百五十里為邠州東二百八十里至

涇陽縣界

西一百八十里至涇州界三百五十里至平涼

府

南一百二十里至麟遊縣界二百五十里至鳳翔府

北至真寧縣界三百五十里至慶陽府

東南七十里至永壽縣界

東北一百六十里至宜君縣界

西南一百二十里至靈臺縣界

東西廣二百里南北袤三百六十里

三水縣 按以下三縣俱隸邠州

州東北七十里為三水東九十里至宜君縣界

一百六十里至宜君縣三百里至省城

西四十里至邠州界

南五十里至淳化縣界一百里至淳化縣

北五十里至真寧縣界六十里至真寧縣

東南一百五十里至耀州

淳化縣

州東一百里為淳化東至 無考

西至醴泉縣界

南至涇陽縣界

北至三水縣界

東南至三原縣界

西南至咸陽縣界

西北至邠州界

東西廣七十里南北袤七十里

長武縣

州西北八十里為長武東至邠州界

西至涇州界

南至寧州界

北至靈臺縣界

潼關衛

府東北二百九十里為潼關衛東七十里至河

南閩鄉縣

西四十里至華陰縣二千五百里至蜀境

南一百里至雒南縣界四百五十里至楚境

北七十里至山西蒲州一千一百里至山西太

原府

西北六十里至朝邑縣

形勝附

本府

長安咸寧二縣附郭

史記古稱四塞之國被山帶河

白河穿山西大

漢書金城千里天府之國

東方朔傳三輔南有江淮北有河渭汧隴以東商雒以西厥壤肥饒所謂陸海

唐陸贄奏議憑山河之形勝宅田里之上腴

舊志百二名邦實據上游几終南屏渭水帶五岡襟三川澆灞左纏瀉潘右抱白鹿豐梁護其

東鳳棲神禾環其南金鑾銅人關其北代爲帝都世稱天府城郭宮室之巨麗市井風俗之阜繁允矣秦中之奧區神臯也

府志抱杜含鄠欲豐吐鎬終南峙其前渭水流其後

附十二景

終南山色 山容青翠入夏尤深爲諸山所不

及故唐人以爲翠屏明秦安王詩遙望終南景崔嵬春色妍晴嵐浮嶺外翠靄簇峯前古柏擎

朝露蒼松帶晚煙奇哉四皓客樂矣任遊眠
玉案行雲 詳見山川

樊川晚浦 南崖神禾北崖杜陵沿崖出泉墅
館亭榭與村煙相間涵水中流兩岸皆稻畦蔬
町蹊桃堤柳漁歌樵唱鴈陣鷗行入晚尤佳為
城南第一名勝趙閑閑詩曰稻壟明邊通白水
竹梢闕處補青山

杜曲花光 卽北杜故里延袤十里盡種桃花
春時爛熳如錦明人詩有山膺鴨嘴千峯翠川

到牛頭十里花

杏坪春曉 山陵志坪在龍堂北坡地寬平有
杏數百株人謂杏花平又謂龍堂坡以下有龍
泉故也其上卽皇子陂劉子畏詩誰植千株近
帝城會招公子醉昇平春日遊人甚盛

鳳原麥浪 龍首山橫岡也夏壟風來不減萬
頃層波

曲江春早 詳見山川

杏園賜宴 譚賓錄杏園與慈恩寺南北直唐

新進士榜發賜宴於此風景最佳

鴈塔晨鐘 唐會要塔乃慈恩西浮圖院也初

起五層永徽中天后與王公重加營造至七層

凡進士宴畢題名塔上有行次之列韋杜裴柳

四家兄弟同登者亦有行次之列故名鴈塔池

水澄泓四無映帶唯見塔影倒蘸於池中遊觀

者甚衆明鄉試舉人亦題名其上鐘聲洪亮聞

百餘里

興慶夜月 詳見古蹟

霸陵風雪 霸陵橋邊多古柳春風披拂飛絮

如雪贈別攀條黯然神往

咸陽縣 咸土之美西北高厚東南寬平在九

畝山南渭水北山水俱陽雍西首善

興平縣 北倚高原而峙九畝南襟豐渭而對

終南西由岐鳳以控巴蜀東迎華嶽以聯嵩洛

風氣攸萃古右輔之地也

臨潼縣 面驪山背渭水東控鴻門西接灞橋

蓋形勝之區也

高陵縣 涇渭屬流于前山原遙峙于後清谷
在左洪波在右蓋古形勝之區高明之國

鄠縣 面拱終南背停渭水澧水繞其東澇水
環其右

藍田縣 東南要地秦之咽喉

涇陽縣 峩仲聳于北涇水環其南帶文川襟

西城背豐稔面畢原平疇曠衍村落相連有河

渠之饒有巖寨之險而西北一帶尤為膏壤每

夏秋間煙塍雲籠禾黍盈阡樓閣參差川原繡

錯婁敬所謂天府之國沃野千里此其上游焉

三原縣 南據涇渭之流北倚嶽嶷之山仲山

拱于西清河環于東此一邑之勝槩也

盩厔縣 谷水繞其東溝阜阻其西南山疊拱

北渭帶流西安形勝於邑為最

渭南縣 關中古稱四塞被山帶河形勝甲于

天下而渭南當東域孔道南面秦嶺北帶渭河

少華峙其左澇水繞其右近則左控倉堡右扼

青原風門前列渭藪後匯浮涇吞灞潞洛帶河

壯懷聳目如在圖畫中矣蓋古今金城之咽喉形勝之要區也

富平縣 富平全境蓋為秦中形勝之地也負頻面荆帶以石溫而浮山鳳凰若左右翼四塞中地又黃壤焉非蕞爾一奧區與

醴泉縣 終南聳其前九畷峙其後襟泔涇帶渭水左聯殺函右接隴蜀居百二之衝實形勝之國也

商州 內而屏倚金鳳襟帶丹流龍峰左蔽娥

壁右閑且東溪西平楚乳荆泉諸水包絡互環高車天柱熊龜鷄菟諸山保障並峙外則東有武關之天險西有牧護之要區南有劉嶺橫綿千里北有黃砂高踞千尋古稱四塞之國信不誣云

鎮安縣志闕

雒南縣 秦嶺限其北中幹繞其南西枕嶢關東鄰嵩號而洋洋洛水橫貫其中後山若几前案若弓東西二山龍虎相衛而不相犯縣河潌

洄如帶與洛水一明一暗環繞包羅東南則有東龍山西南則有狀頭山如旗鼓相對又如天馬行空偉哉盛矣

山陽縣志闕

商南縣志闕

同州 前臨沙苑後枕許岡左接平原右帶洛水

朝邑縣 南屏太華北枕梁山東峙雷首西距長虹縹緲之間形錯如繡鍾靈孕秀被山帶河

郃陽縣 枕梁山面乳羅洽水出其北即詩所謂在洽之陽又以大邦稱者也 邑據梁山土

獨稱厚河渭匯流大華中條環而在矚蓋巍然巨觀云

澄城縣 前拱原阜後倚山壟大谷河繞其左甘泉水羅其右縣治宅中風氣攸萃誠三輔之名城馮翊之巖邑也

白水縣 重岡邃澗地确高隆

韓城縣 三嶺龍蟠於後古城地舒於前東阻

湯湯洪水西塞巖巖疊峰馮翊幽壤關中奧區
 華州 左控桃林右阻藍田東表太華陰晉以
 據其前西制渭南長安以倚其後南控商洛而
 右以防楚北臨蒲邽而左以禦敵為京兆首領
 秦中屏翰
 華陰縣 太華為屏首陽為衛洛渭遶其北大
 河縈其東左控桃林之固右阻藍關之險四鎮
 之咽喉滇蜀之門戶也

蒲城縣 蒲脉發源於金粟山左接五龍右連

萬斛岡巒如屏渭水如帶誠東藩之重地也
 附八景

南原春晴 城南里許為紫荆原春分前後率
 為社飲禊飲有古蠶市蘭亭之風焉

溫湯晚浴 凡水源有石硫黃其水則溫驪山
 溫泉四時皆暖唯此湯獨宜秋冬溫則知無伏
 陽涼則知無伏陰浴之消疴蕩穢功邁驪山

漫泉秋月 邑西十里為漫水源夏則驚浪潺
 潺浮沉匪定惟煙消波澄時水光月色相映一

碧洵稱佳勝

北嶺積雪 崇山峻嶺豁壑幽邃纔覺霜氣雪

已盈山寒凝肅冽皎潔淒清士人常破凍嬉遊

解裘買醉

雙塔夜影 塔建自唐對峙城之南北千尺干

霄晝亦堪觀至煙影夕昏隱隱茫茫如撐天之

雙柱

五陵閒雲 昔唐盛時樓閣崢嶸五彩照映今

惟閒雲一片往來舒卷更多幽致文人墨客多

寄跡焉

盤龍異石 實一落星也將雨而潤里人卜水

早有驗點綴於原野之間頗有幽致

堯山古柏 蒲地宜柏而堯山柏異他植根蟠

巖石堅老特奇蒼翠凌雲清陰籠霧

耀州 漆水經其東沮水繞其西步壽原控其

北寶鑑諸山翼其左星原環其右漆沮會流乳

山合抱亦稱四塞形勝之區

同官縣 崇山峻嶺怒濤絕壁殊稱勝地昔人

謂南則關中之襟喉北則延寧之要害信為不誣

乾州 九巖控其東武水環其西北枕梁山南接平壤蓋秦地之上游北門之鎖鑰昔人謂金城千里天府之國此足以當之矣

附十二景

梁山古道 昔太王去邠踰梁山即此在州城北二十里古道荒原行人仰企

風洞天池 在州西三十里有風洞寺寺下有

池雖不甚大自古禱雨有應景頗足觀土人常往遊焉

陽洪沃野 在州東二十里地土肥饒宜於瓜果蔬菜居民分畦蒔種鑿洫灌溉風景甚佳

渾祠豐碑 在南門內渾公祠中按唐史李懷光與朱泚連兵聲勢甚盛城以孤軍處其間內無糧資外無救援能以忠義感激將士銳氣不

衰危城復全而社稷永賴辛育所撰豐碑巍然峙立遊人莫不景仰焉

竇廟雙柏 在州東北三十里竇村竇氏二女

墜崖處里人立廟有雙柏蒼翠可觀至今茂盛

鬢宮夜蟾 卽本州儒學堂棟宇高明每值皓

月當軒晶瑩皎潔輪奐澄鮮大是佳賞

乾陵霽雨 卽梁山唐高宗武后合葬之處每

見霧氣卽雨雲氣騰青山罨翠其景最佳

泮池三臺 池在學宮前有三臺拱向池上又

名文筆峯

五峯仙藥 在州東北五十里多產諸藥上有

靈湫禱雨多應

龍口溫泉 在州西四十里地名龍塘口有溫

泉滴出可浴可賞

玉洞春融 在州西北五里高聳可翫

西崖旭影 在州西五里卽武水崖壁立如削

每日初出相映宛若赤壁

武功縣 平原控其東鳳岡翼其西長川帶其

北終南太白揖其南蓋古形勝之區強武之國

也

永壽縣 東接涇水南抵乾陵西界麟遊北倚古邠東西兩澗流水深長南北二壑峻坂重環石巖巖而雄壯水潺潺而秀麗山城險固地勢崔嵬

邠州 東指甘泉南枕梁山西距回中北臨石門 涇水遶其北邠崖峙其南依山為城地勢雄壯 山川秀麗地勢雄偉有周肇興之所實天造之扼塞 三水縣 據山川陰陽之會又鎮以石闕鑰以

九畷其間廣平為原下濕為隰土厚而水深 鷄阜山雄其左雙槐堡峙其右五峯擁後三水 面南

淳化縣 仲山居其前石門擁其後右環涇水 左峙唐山依山為城臨水為池

長武縣 漆水繞其東阮共控其西南枕宜山 北環涇水四府之通衢三邊之咽喉也雍州鎖 鑰此為第一

潼關衛 關之南秦嶺雄峙東南有禁谷之險

禁谷南設十二連城以防秦嶺諸谷北有洛渭
二川會黃河抱關而下西則華嶽三峯聳環諸
山高出雲霄春秋傳云秦有潼關蜀有劍閣皆
國之門戶元史云南據連山北限大河山海關
誌畿內之險惟潼關與山海爲首稱唐人詩云
人間路止潼關險由是觀之允矣勢壯三輔控
扼九州之地

西安府星野考

通志州縣志合載

府屬總

禹貢雍州之域東井輿鬼爲鶉首之次北斗樞
爲雍州於辰在未屬秦分

史記天官書東井輿鬼雍州之分

漢地理志自井十度至柳三度鶉首之次乃秦
之分

春秋元命苞東井鬼宿分爲秦

後漢律曆志井十二度至鬼五度爲秦分

廣雅北斗樞為雍州

晉天文志自井二十七度至鬼柳鶉火之次屬

秦分

雍州八水入東井三度

唐天文志鶉首寔沉其神主於華山太白位焉

地理志東井在雲陽下流當涇渭汭為秦分

舊志正義曰丘闕二星係天子之雙闕諸侯之

兩觀也矧咸陽乃帝都王畿懸象布魏之地其

即井鬼居日月五星之中道

西安為三秦首郡係古雍州地且正當兩河之

中其野井鬼而乾屬西安百有餘里是乾與武

功未壽之分野亦當井鬼之次

一統志禹貢興平古雍州之域星紀當井鬼之

次

澄城縣志唐僧一行云天下山河之象存乎兩

戒秦據百川上流得兩戒山河之首故為鶉首

今按左馮翊地實秦分野按各州縣志分野相同

今按古志所載...

無秦魏自川上...

蓋魏志魏略...

定...

一錄志謂其與...

也末...

中其...

西...

